

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU**

Broj: 65 0 St 1172222 25 St
Sarajevo, 04.08.2025. godine

Općinski sud u Sarajevu, stečajni sudija Zlatan Bilić, rješavajući po prijedlogu za otvaranje stečajnog postupka nad imovinom pravnog lica "LRC" inženjering d.o.o. Sarajevo, sa sjedištem u ul. Dr. Fetaha Bećirbegovića br. 1B, Sarajevo, donio je dana 04.08.2025. godine sljedeće:

RJEŠENJE

Pokreće se prethodni postupak radi utvrđivanja uslova za otvaranje stečajnog postupka nad imovinom pravnog lica "LRC" inženjering d.o.o. Sarajevo, sa sjedištem u ul. Dr. Fetaha Bećirbegovića br. 1B, Sarajevo.

Za privremenog stečajnog upravnika imenuje se Za privremenog stečajnog upravnika imenuje se Amra Karić iz Sarajeva, ulica Alekse Šantića broj 6.

Privremeni stečajni upravnik će izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika, utvrditi da li postoje razlozi i uslovi za otvaranje stečajnog postupka, utvrditi da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti dužnika te ispitati da li imovina stečajnog dužnika može pokriti troškove stečajnog postupka.

Dužnik je obavezan da dozvoli privremenom stečajnom upravniku da pregleda poslovne knjige i poslovnu dokumentaciju dužnika.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvijestiti o poduzetim radnjama i iznijeti svoje stručno mišljenje o zatečenom stanju.

Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

Pozivaju se povjerioci da predlože mjere osiguranja nad predmetima i imovinom stečajnog dužnika.

Ovo rješenje će biti objavljeno na oglasnoj i elektronskoj tabli ovog suda, u „Službenim novinama Federacije BiH“ i na internet stranici Finansijsko-informatičke agencije.

Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj: 65-01-0983-12 (stari broj 1-22574).

O b r a z l o ž e n j e

Predlagatelj je dana 05.06.2025. godine podnio prijedlog za otvaranje stečajnog postupka nad privrednim društvom "LRC" inženjering d.o.o. Sarajevo, sa sjedištem u ul. Dr. Fetaha Bećirbegovića br. 1B, Sarajevo.

Na ročištu održanom dana 24.07.2025. predlagatelj-direktorica društva je izjavila da firma već dulje vrijeme ima poteškoće sa u poslovanju, da ima značajan poreski dug i da nema imovine, pokretne ni nepokretne. Istovremeno iz priložene dokumentacije proizilazi da društvo ima aktivan bankovni račun, ali da se na istom nalazi neznatna suma novca u poređenju sa iskazanim dugovanjem.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uvjeti za otvaranje stečajnog postupka, te imajući u vidu činjenicu da je dužnik uplatio predujam za pokriće troškova prethodnog postupka, sud je donio odluku kao u izreci, primjenom članova 61., 62., 63., 65. i 66. Zakona o stečaju Federacije Bosne i Hercegovine ("Službene novine Federacije BiH", br.: 53/21)

**Stečajni sudija
Zlatan Bilić**

Pouka o pravnom lijeku: protiv ovog rješenja žalba nije dopuštena.